

Së bashku. Në mënyrë katolike. Solidarë.

Informacione mbi taksën
e kishës në Gjermani



Pse kishës i duhen para?

Detyra e kishës është të shpallë lajmin e mirë të Jezui Krishtit, ta kremtojë atë dhe të dëshmojë për të në shërbim të njerëzve me të cilët jeton. Kisha e përmbush këtë detyrë në famullitë e saja, por edhe nëpërmjet një game të gjerë angazhimesh, p.sh. në fushën e arsimit, shëndetësisë dhe përkujdesjes, karitasit, kulturës.

E gjithë kjo është e mundur falë kontributeve financiare të besimtarëve. Solidariteti është i nevojshëm – edhe në kishë. Çdo anëtar i Kishës Katolike merr pjesë në financimin e Kishës dhe detyrat e saj në kuadër të mundësive të veta: me një tarifë të detyrueshme anëtarësimi, që në Gjermani quhet taksa e kishës (gjerm. «Kirchensteuer»), si dhe me dhurime dhe lëmoshë vullnetare. Taksa e kishës nuk është gjë tjetër veçse një tarifë anëtarësimi që përshtatet me mundësitë financiare të çdo individi.



Çdo kontribut për taksën e kishës ndihmon

- që të mund të promovohet jeta e larmishme në dioqeza dhe famulli,
- që priftërinjtë, famullitarët dhe shumë punonjës të tjerë të mund të bëjnë shërbimin e tyre në famulli,
- që të mund të krijohen dhe promovohen famulli për katolikët e gjuhëve amtare dhe rriteve të tjera,
- që fëmijëve dhe të rinjve të mund t'u ofrohet të ndjekin kopshtet e kishës, shkollat dhe universitetet,
- që ndërtesat e kishave dhe qendrat famullitare të mund të ngrihen, mirëmbahen dhe ruhen,
- që të mund të ofrohen qendra kishtare këshillimi, mbështetje baritore për njerëzit në situata krize dhe shumë më tepër,
- që të mund të mbështeten njerëzit në nevojë dhe në varfëri,
- që Kisha të mund ta dëshmojë Lajmin e Mirë dhe të përmbushë misionin e saj.



Kush e paguan taksën e kishës – dhe sa?

Taksën e kishës e paguajnë të gjithë ata që

- janë anëtarë të kishës (dëshmuar me pagëzim),
- kanë vendbanimin në Gjermani dhe
- paguajnë tatimin mbi pagën ose mbi të ardhurat.



Kjo do të thotë se taksat e kishës paguhen kryesisht nga anëtarët që janë në punë fitimprurëse dhe kështu kanë të ardhura. Kjo është pak më shumë se 50 për qind e katolikëve. Pjesa tjetër, pra fëmijët, të moshuarit, të sëmurët apo personat me aftësi të kufizuara, zakonisht nuk paguajnë taksën e kishës. Kjo tregon se secili person merret para sysh individualisht sipas gjendjes së tij financiare personale. Prandaj taksa e kishës është e drejtë dhe e bazuar në solidaritet.



Në varësi të bundeslandit (shtetit federal), shuma e taksës së kishës është 8 ose 9 për qind e tatimit mbi pagën ose mbi të ardhurat që duhet paguar. Në marrëveshje midis shtetit dhe kishës, ajo mbahet nga tatimet shtetërore së bashku me tatimin mbi të ardhurat. Kisha paguan një tarifë prej dy deri në katër përqind të të ardhurave të saj tatimore për këtë.

Nëse nuk paguani tatimin mbi pagën ose mbi të ardhurat, nuk paguani as taksën e kishës. Familjet me fëmijë lehtësohen veçanërisht kur përlllogaritet taksa e kishës.

Dy shembuj:

- Pjetri është beqar dhe fiton 3500 € bruto në muaj. Ai duhet të paguajë tatimin mbi të ardhurat prej 464,25 €. Taksa e tij e kishës është 41,78 €.
- Maria dhe Niko janë të martuar dhe kanë dy fëmijë. Ata kanë të ardhura bruto mujore prej 5000 €. Ata paguajnë 491,50 € tatimin mbi të ardhurat për këtë. Taksa e tyre e kishës është 10,50 €.

Një shenjë e fortë e solidaritetit të përbashkët katolik



Është një shenjë e fortë e solidaritetit të përbashkët katolik që të gjithë besimtarët të kontribuojnë në financimin e detyrave të kishës brenda fushës së mundësive të tyre.

Emigrantët katolikë që jetojnë në Gjermani gjithashtu i përkasin natyrshëm kishës në Gjermani. Shtetësia nuk luan ndonjë rol në lidhje me taksën e kishës. Është e rëndësishme që të gjithë besimtarët katolikë të deklarojnë konfesionin e tyre «rk» (romano-katolik) kur regjistrohen në vendbanimin e tyre.

Besimtarët me regjistrimin e tyre forcojnë edhe përkujdesjen baritore në gjuhën dhe ritin e tyre përkatës. Sepse dioqezat gjermane janë përgjegjëse për financimin e ofertave baritore për besimtarët e gjuhëve dhe riteve të tjera amtare. Ato bazohen në numrin e personave të raportuar si «rk» nga vendet dhe kishat përkatëse.

Këtu bëjnë pjesë edhe Kishat Katolike Lindore



Besimtarët e të gjitha kishave katolike lindore konsiderohen gjithashtu «romane-katolike» sepse janë të lidhura me Romën. Në Gjermani aktualisht ka famulli që kremtojnë rregullisht meshë të shenjta dhe kanë oferta baritore që i përkasin kishave të mëposhtme katolike lindore:

- Kisha Katolike Etioplane
- Kisha Katolike Kaldease
- Kisha Katolike Eritreane
- Kisha Maronite e Antiokisë
- Kisha greko-katolike Melkite
- Kisha greko-katolike Rumune
- Kisha greko-katolike Ruse
- Kisha greko-katolike Sllovake
- Kisha Katolike Siriane
- Kisha Katolike Siro-Malabare
- Kisha Katolike Siro-Malankare
- Kisha greko-katolike e Ukrainës

Kushdo që i përket njërës prej Kishave Katolike Lindore të lidhur me Romën, duhet gjithashtu të regjistrohet si «rk» në zyrën e regjistrimit të banorëve.

Tregoni konfesionin tuaj kur regjistroheni në Gjermani!

A red circle containing the stylized white text «rk» in a bold, sans-serif font. The «r» is the central element, flanked by double angle brackets «» on both sides.

romano-katolik

Të gjithë besimtarët që i përkasin Kishës Katolike duhet të deklarojnë konfesionin e tyre «rk» (romano-katolik) kur regjistrohen në Gjermani. Kjo vlen edhe për të gjithë besimtarët që i përkasin njërës prej kishave katolike lindore të lidhura me Romën. Kjo nuk është vetëm një detyrë ligjore ndaj shtetit, por edhe një detyrë ndaj Kishës. Vetëm ata që e deklarojnë konfesionin e tyre gjatë regjistrimit në raport me shoqërinë dhe shtetin konsiderohen gjithashtu anëtarë të kishës.

Nëse jeni katolik dhe nuk jeni regjistruar ende si «rk», ekziston mundësia për ta bërë këtë. Është më së miri ta kontaktoni priftin përgjegjës për famullinë tuaj.

Faleminderit!

«Jam mirënjohës për diversitetin kulturor në kishën tonë në Gjermani! Të gjithë ju, të dashur motra dhe vëllezër, luteni në gjuhë të ndryshme dhe sillni tradita të ndryshme përshpirtërie, liturgjie dhe jete nga besimi fetar. Në këtë mënyrë ne po bëhemi gjithnjë e më shumë një komunitet vërtet katolik, një kishë e gjallë në të cilën të gjithë mund të ndihen si në shtëpinë e tyre. Me taksën tuaj të kishës, ju gjithashtu jepni një kontribut të rëndësishëm në financimin e kësaj jete kishtare këtu në Gjermani. Faleminderit që jeni përfshirë në këtë sistem solidariteti dhe financimi të ndershëm të kishës, edhe nëse ndoshta nuk jeni mësuar me të.

Faleminderit për kontributin tuaj!»



Arqipeshkvi Dr. Stefan Hesse (Hamburg)
Kryetar i Komisionit të Migracionit të
Konferencës së Ipeshkvijve Gjermanë



Më shumë informacione

Nëse keni ndonjë pyetje në lidhje me taksën e kishës, duke përfshirë regjistrimin tuaj si «rk», mund të kontaktoni famullitarin tuaj lokal ose përgjegjësin për famullinë tuaj në çdo kohë.

Gjithashtu, personat kontaktues për temën e taksës së kishës nëpër dioqeza janë të gatshëm të japin informacione. Ju mund ta gjeni personin kontaktues në dioqezën tuaj në linkun e mëposhtëm:

<https://www.dbk.de/themen/kirche-und-geld/ansprechpartner-zur-kirchensteuer-in-den-bistuemern>

Informacione të mëtejshme mbi temën e taksës së kishës mund të gjenden në faqen e internetit të Konferencës së Ipeshkvijve Gjermanë

<https://www.dbk.de/themen/kirche-und-geld/kirchensteuer>

Informacione për angazhimet e ndryshme të Kishës Katolike në Gjermani, që mundësohen nga taksa e kishës, mund të gjeni në broshurën «Kisha Katolike në Gjermani. Numra dhe fakte». Broshura është e disponueshme për shkarkim në

<https://www.dbk-shop.de/de/publikationen/arbeitshilfen/katholische-kirche-deutschland-zahlen-fakten-2021-22-bonn-2022.html>

Fotos:

Titel: © abstral official/unsplash; © jen theodore/unsplash;
© Rawpixel.com/shutterstock; © Jazzmany/shutterstock;
© fizkes/shutterstock; © 1000 Words/shutterstock; Seiten 2-3:
© FatCamera/istockphoto; Seite 5: © Evannovostro/shutterstock;
Seite 8: © Rostyslav Myrosh/Collegium Orientale

HERAUSGEBER

Sekretariat der
Deutschen Bischofskonferenz
Kaiserstraße 161, 53113 Bonn
www.dbk.de

Stand: 5.5.2023

